



Stine Egede
Inuit Ataqtigiit sinnerlugit Inatsisartunut ilaasortaq

§ 37 naapertorlugu apeqputip nr. 191/2020-p akineqarnera

Asasara Stine Egede

Inatsisartut Suleriaasianni § 37 naapertorlugu apeqputigineqartunut soqutiginaatilinnut saqqummiunneqartunut Naalakkersuisut qujaniarput. Apeqputit tullinnguuttuni uteqqinneqarput akineqarlutillu.

20-11-2020
Suliap normua, 2020 - 23275
Allagaat nr. 15377193

Postboks 1160
Oqarasuaat: 34 50 00
Allakasuaat: 34 55 05
3900 Nuuk
Email: pn@nanog.gl
www.naalakkersuisut.gl

1. Pilattaasarnermi immikkoortumi pisortanik nutaanik atorfinitsitsinerup kingorna ukiup ataatsip iluani sooq pilattaanermut immikkoortumi K2-mi peqqissaasut tamarmik, immikkoortortani peqqissaasut marluk, immikkoortortami juumooq ataaseq kiisalu nakorsarpassuit, tassani Kalaallit Nunaanni nakorsat pilattaasartut misilittagaqarnerpaat ilanngullugit, soraarniuteqarsimanersut Naalakkersuisut nassuiarsinnaavaat?

Akissut:

Pilattaasarfimmi (109-t missaannik sulisoqarfiusumi) ukiup ataatsip ingerlanerani aalajangersimasumik atorfeqartitat arfineq-pingasut soraarsimapput. Tamatuma kingorna sulisut marluk Pilattaasarfimmi suliffiminni sulileqqissimapput.

Piffissami tassani nakorsat immikkut ilisimasallit marluk atorfinitsitaasimapput, suliassatigullu suliassaqarfiit isumaginissaannut nakorsaanerit siunnersortit marluk isumaqatigiissusiorfigineqarsimallutik.

Pilattaasarfimmi soraarnernut pissutaasut assigiinngillat. Soraarninngornermik, isumaqatigiissutinik allannguisoqarnermik, inuttut atugarisat aamma suliassaqarfimmi aqutseriaat-simut isumaqataannginnermik pissuteqartumik soraarnerit matumani pineqarput.

Peqqinnissaqarfimmi allanngortiterinissanut suliniutigineqartoq napparsimasut katsorsar-neqarnerminni ingerlanngi, aningaasartuutit sunniuteqarnissaannut qulakkeerinnittussat aamma katsorsaanerit suussusersiuinermullu sulliviit ikiuutaasartut pitsanngorsarnis-saannik siunertaqartoq aaqqissuusaanermi naleqqussaanissanik kinguneqarsimavoq, tamannalu suliffimmi pissutsinut sunniuteqarsimavoq.

2. Sulinermut avatangiisit ukiup kingulliup ingerlanerani ima ajortigilersimanagerat, allaat nakorsat – ingammillu kalaallit nakorsat – suliffimminni iluarusukkunnaarsimallutik taamaalillutillu pilattaasarnermut immikkoortumi sulinissaq kissaatigiunnaarsimagaat, Naalackersuisut uppersarsinnaavaat?

Akissut:

Naalackersuisut ukiuni kingulliunerusuni Pilattaasarfimmi suliffimmi atugassarititanik unamminartunik misigisaqartarneq pillugu ilisimatinneqarsimapput, taakkunungalua ilaavoq K2.

Pilattaasarfimmi politikikkut aqutsinikkullu nalunaarutigineqartut pingaarnersiuiuerillu eqqumaffigineqartorujussuupput. Suliassaarfimmi aqutsisut sulisunik oqaloqateqartarnisanik, sulisullu aalajangiinernut pingaarnersiuiernerullu peqataatinneqartarnissaannik anguniagaqarput.

Peqqinnissaqarfik 2019-imi aamma 2020-mi allatut ajornartumik sukangasuumik pingaarnersiuisariaqarsimavoq. Najukkani missingersuutit killeqarput, pingaarnersiuiuinissanillu suliarisassanik aqutsisunut sulisunullu unamminarsinnaasunik pisariaqartitsiffiusunik pilersitsisimallutik.

Pilattaasarfimmi aqutsisoqatigiinnut ataatsimiinnerit oqaloqatigiiffiusut ullullu sammisaqarfiusut arlallit ingerlanneqartarsimapput, taakkunungalua nakorsaanerit ilaapput. Kingullermik ullut sammisaqarfiusut septembarimi ingerlanneqarput, taakkulu Pilattaasarfimmi ataatsimoortarnermi ileqqorissuunissamut najoqqutassap suliarineqarnissaa pillugu oqallinnermik naggaserneqarput.

Tamatuma saniatigut novembarip qiteqqunnerani suliffiup ataatsimut naliliiffiginissaa pillugu ingerlatsisoqarnissaa pilersaarutaavoq.

3. Ineriartorneq tamanna ingammik kalaallinik peqqissaasunik nakorsanillu atorfeqaannartitsiniarnermut atorfinitsitsiniarnermullu anguniakkamut qanoq naapertuuppa?

Akissut:

Peqqinnissaqarfik sulisussarsiortarnermi sulisullu sulisorineqaannarnissaat anguniagarfiusumik sulissuteqarpoq. Kajumissuseqarneq atugarissaarnissarlu kiisalu suliatigut inuttullu ineriartorneq qulakkeerniarlugit aqutsisut sulisullu akornanni oqaloqatigiitarnissat qitiutinneqartorujussuupput. Taamatuttaaq inuusuttut peqqinnissaqarfimmi qaf-fakkiartornissamik kissaateqartut ineriartortitsiffiunissaannut ilanngussisoqarnissaa anguniarlugi suliffiup pilerinartuunissaa aamma ilinniartoqarfinnik suleqateqartoqarnissaa sulissutigineqarput.

Naalackersuisut Peqqinnissaqarfimmi ilinniarnernut pikkorissartitsinernullu aningaasanik sipaartoqarnissaa pinngitsoortinniarlugi qitiutitsuarput.

Tamatuma saniatigut Naalackersuisut Peqqinnissaqarfimmi aqutsisunik oqaloqateqartuarput, tassanilu suliffinni atugassarititat pingaarnernut ilaallutik. Peqqinnissaqarfimmi aqutsisut oqaloqatigineqarneri tunngavigalugit Naalackersuisut naatsorsuutigaat suliso-

risanut atugassarititat pitsanngorsarnissaanut suliaqartoqartoq. Tamanna sulisussarsior-
tarnermi sulisullu sulisorineqaannarnissaannut nukittorsaataassaaq, naggataatigullu nap-
parsimasut nakkutigineqarnerat katsorsarneqarnerallu qulakkeerneqassaaq.

Naggataatigut Peqatigiiffik PK/PPK suleqatigineratigut suliffimmi atugassarititat
annertuumik pingaartinneqarnerulernerat oqaatigineqarsinnaavoq.

4. Naalackersuisut sammisamut uunga allanik paasissutissaateqarpat?

Akissut:

Naalackersuisut allanik ilanngussassaaqanngillat.

Med venlig hilsen
Inussiarnersumik inuulluaqqusillunga



Anna Wangenheim